

«Жамбыл облысы әкімдігінің білім басқармасы Т.Рысқұлов ауданының білім бөлімінің «Балапан» бөбекжай-бақшасы» мемлекеттік коммуналдық қазыналық кәсіпорыны



Тақырыбы: «Мақта қыз бен мысық» ертегісі

«Құлыншак»тобы тәрбиешілері

Құлан ауылы
2024- 2025 оқу жы

Тқырыбы: "Мақта қыз бен мысық" ертегісі

Мақсаты: "Біртұтас тәрбие" - ата-ана мен балабақша ынтымақтастығын нығайту. Ертегі мазмұнын түсіну. Мейірімділікке, өзара көмек көрсетуге тәрбиелеу.

Ерте,ерте,ертеде.Мақта қыз үйін жинап жүріп, бір мейіз тауып алады да мысықты шақырады.

Мысық, келмейді.

Қыз:— Келмесең келме! – деп, мейізді өзі жеп қояды. Жеп болған соң, мысық келіп:

— Неге шақырдың? – деп сұрайды.

Мақта қыз айтпайды. Сонан соң мысық:

— Ендеше қатығынды төгем! – дейді.

Мақта қыз:— Мен құйрығыңды кесіп аламын! – дейді.

Мысық қатықты төгеді. Мақта қыз мысықтың құйрығын кесіп алады.

Мысық: — Апа, апа, құйрығымды берші! – дейді.

Мақта қыз:— Менің қатығымды төле! – дейді.

Мысық сиырға барады. — Сиыр, маған қатық берші! – дейді.

Сиыр:— Менің қарным ашып тұр. Маған жапырақ әкеліп берші! – дейді.

Мысық ағашқа барып:— Ағаш, ағаш, жапырағыңды берші! – дейді.

Ағаш:— Мен шөлдеп тұрмын. Су әкелсең, жапырақ беремін, – дейді.

Мысық суға бара жатса, су әкеле жатқан қыздарды көреді.

— Қыздар, қыздар, маған су беріңіздерші! – дейді.

Қыздар оған:— Бізге сағыз әкеліп берсең, біз саған су береміз, – дейді.

Мысық дүкенге барады.

— Әй, дүкенші, маған сағыз берші! – дейді.

Дүкенші:— Маған жұмыртқа бер, – дейді.

Мысық тауыққа барады.

— Тауық, тауық, маған жұмыртқа берші! – дейді.

Тауық:— Бізге дән әкеліп берсең, біз саған жұмыртқа береміз, – дейді.

Мысық: «Енді не қыламын?» – деп, бара жатса, бір ін қазып жатқан тышқанды көреді.

Мысық тышқанды бас салады.

— Жаныңның барында айт! Үйіңде не бар? – дейді.

Тышқан қорыққанынан:— Үйімде бір табак тарым бар, – дейді.

Мысық:— Маған

Бір уыс тары бер, – дейді.

Тышқан үйіне барып, бір уыс тары әкеліп береді; мысық тарыны апарып тауыққа береді, тауық жұмыртқа береді; жұмыртқаны апарып дүкеншіге береді; дүкенші сағыз береді; сағызды апарып қыздарға береді, қыздар су береді; суды апарып ағашқа береді; ағаш жапырағын береді; жапырақты апарып сиырға береді, сиыр қатық береді; қатықты апарып Мақта қызға береді, Мақта қыз мысықтың құйрығын береді.



**«Жамбыл облысы әкімдігінің білім басқармасы
Т.Рысқұлов ауданының білім бөлімінің «Балапан»бөбекжай –бақшасы»
мемлекеттік коммуналдық қазыналық кәсіпорыны**

Анықтама

Тақырыбы: «Мақта қыз бен мысық» ертегісі

Әдісі:Бала өміріндегі ертегінің рөлі.

Максаты: «Біртұтас тәрбие» ата-ана мен балабақша ынтымақтастығын нығайту. Ертегі мазмұнын түсіну. Мейірімділікке, өзара көмек көрсетуге тәрбиелеу.

Қатысқандар:консультативтік пункпен қамтылған ата-аналар

Барысы:

«Мақта қыз бен мысық» ертегісі арқылы бала кішіпейілділікке,кешірімді болуға,татулық пен келісімге үйренді

Ертегіде өзара реніштің пайда болу себебі мен оны шешу жолы көрсетілді.

Бұл арқылы бала сабырлылықты,өз қателігін мойындауды,кешірім сұрауды және достық қарым-қатынастың маңызын түсінді.

Бұл ертегіде достық,кешірім,еңбексүйгіштік,әділеттілік сияқты адамгершілік қасиеттер суреттелді. Ертегі Мақта қыз бен мысықтың арасында болған кикілжіңнен басталып,соңында татуласумен аяқталады. Балаларға қарапайым тұрмыстық жағдайлар арқылы жақсылық пен жамандықты,шыдамдылық пен мейірімділікті ажыратуға кеңес берді.

Балалар бұл ертегіден не алды:

Кешірімді болу-бір-бірінің қатесін кешіруді үйренді.

Әдептілік пен сыйластықты-үлкен-кішіге сыпайы болу керектігін.

Шешім табу-қиын жағдайда ойланып,дұрыс шешім қабылдауды.

Қорытынды: Ата-аналар осы айтылған мәтін бойынша өз ойларын айтып,пікірлерімен бөлісті.